



# РУСКИ НОВИНИ

ЗА РУСИНОХ У КРАЛЪОВИНИ СХС

Рок IV.

Нови Сад, штварток 31. марта 1927.

Ч. 13 (120)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба  
посилац на адресу:  
„РУСКИ НОВИНИ“ НОВИ САД  
Бојовићева улица број 2.

Претплату на РУСКЕ-НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

## Котра то найвекша сила?

Чудни вопрос!

Дахто би повед: електрика, бо вона гонї вельки машини, ошвицує вельки вароши, або кед заблішне, потреше жем и небо!

Да! Так би требало да будзе, але є не так. Док человек електрику не упознал, докля ше од нїй бал, вона була за нїго найвекша сила, але нешка тота велька сила найлепши слуга человеку.

Котра то дакле найвекша сила?

Дахто би повед: разум, бо зоз разумом человек запановал на цалим швецѣ.

Правда! але котра то сила, котра остварує думи розума?

Сцерпенє!

Сцерпенє найвекша сила на швецѣ — сцерпенє розумного человека.

У старих временах сцерпенє дзвигло у Египту високи пирамиди, у штреднім вику базилики и чудесни зданя.

Култура человекства найкраши плод сцерпеня. Патьце роботу мудерцох, енгенирох, художественикох. Сликарь Лионардо да Винчи ходзел по швецѣ роками и гледал сцерпезлїво модел Исуса Христа. Роздумайце сами: цо би зробели тоти художественици без сцерпеня? Не руцели би єден пирко, други щеточку, бо не можу дац вираз їх идеалу у кратким времену?

Да Колумбус не мал век-

ше сцерпенє, як його пайташе, врацел би ше на його драги назад и не пренашол би Америку. Сцерпенє Коперниково винашло правду, же не слунко, але жем ше окруца.

Па кед видзиме, же сцерпенє було у каждой струки найвекша сила, теди можеме повесц зос сигурносцу, же вона найвекша сила и у земледїлству. Кед вежнеме лем оплеменьованє зарна, кельо ту сцерпеня требало, док ше доказало, же стим способом може ше дойц до лепших зарнох?

Сцеце погноїц свою жем але да сознає, же котри гной найхасновитши за вашу жем, гу тому вам треба длугорочне сцерпенє!

У Петровцох дараз садзели хмель, гоч ше им и не барс виплацело, днешка их сцерпенє виплацело ше богатством.

Но не треба, да вам кладзем примир гу примиру, бо кажди добри газда може знац, же напредованя през разумного сцерпеня нєт. Колумб на своєй драги около швета рескирал пенєж, рескирал живот, але да не бул сцерпезлїви, врацел би ше през узпиха.

Сцерпенє дакле за човека найвекша сила, будце зато сцерпезлїви, не сануйце жертви и труд и ваша будучносц будзе красна!

Преподавал у клубу земледїлцох Василь Худак

вонькашнїх дїлох Перич предложел, най би єден медзинародни одбор установел чи то правда. Але тот одбор мал би вигледац и дїйствованє Албанезох як и Талїянох. Италия нема дзеку за таки анкетни одбор, бо теди би ше указало, же то шицко лем клеветанє Италиї, и же баш вона найвещей роби против мира у Европи.

## Порциї на биоскопи (кина)

У новим бюджету бешѣда и о биоскопах, та ше одредзує, же од каждого метра филму муша властїтеле плациц порцию од 3 дин. Властїтеле биоскопах одредзели, же завру шицки своєо биоскопи, кед би влада тото вигласала, бо попри других порциїох, не можу уж витримац.

## Гледаю добровольцох за Китай.

Нашо власци утвѣрдзели, же Енглези гледаю при нас добровольцох за свою войску, котру послаю до Китаю. Примаю лем до 24 рокох а обецовали им плацу 5 шилинги дневно и шицко устримованє. Найвещей гледали у Лики. Нашо власци забранели таке купованє лудзох.

## Паломництво до Риму

У тим ювильним року з нагоди 1100 рочнїци народзєня св. апостола Кирила пойдзе у мешацу маю вельке паломництво до Риму на гроб св. Кирила. Драга за III. класу коштац будзе 1200 Дин. а за II. кл. 1650 Д. У тим урахованє, храна, превозни трошки, такси, ноцованє и железница у Италиї. — Приявиц ше треба до 20 априла т. р. и послац напредок голем

300 Дин. Паломництво будзе тирвац 9 днї и рушише зос Загребу 19 мая.

## Криви 100 динарки

Полиция у Ковину преддаскельома днями влапела даскельо фалати 100 динарки. Утвѣрдзено, же их справели двома земледїлци и вони запарти.

## Нови бачки владика

Тих днїох именовани владиком О. Лайчо Буданович, дотеразшнї римо-кат. администратор у Суботици

## Мост при Тителу готови

Роботи на тителским мосце по фришко буду окончени. Тих днїох єдна комесия з министерїи ма препатрац роботу и мост цридац саобрачаю.

## Хлопи и жени у нашей держави

По послїдним попису у нашей держави вецей жєнох як хлопох. У Словениї на 1000 хлопох приходзи 1095 жени. У Сербїи 1082, у Хорватскей 1052, у Войводини 1048. У Босни заш вецей хлопох як жєнох.

## Бомба руцена до мадыарскей касини

В недзелю в ноци вицагнул хтошка у муре на мадыарским касину у Новим Саду єдну цеглу и до дзирї положел бомбу. Бомба експлодирала и на зданїю зробела вельки чкоди. И сушєдски хижї моцно ше потресли так же медзи народом настал вельки страх. Од лудзох нїхто не настрадал.

## Згорело 6 особи

Прешлей ноци у валалє Грахово у Чарней гори настал огонь у котрим згорели 6 особи. Штири од нїх одрасли и 2 дсеци.

## У нашом отечеству

### Политическе положение

Док ше у парламенту претресую бюджети поєдиних министрох, дотля вонкашне нашо политическе положение пришло до оз-

бильней точки. Италия оптужела нашу державу, же вона поставела военски фронт гу Албаниї, и же помага револуцию у Албаниї. Талїянски и англїйски новини вельо пишу о тим. Медзитим наш министер

## Цо може добре виховане дзецко

Др. Ст. Д. посланец у Варшави и професор хемии у Познаню пребивал прешлого мешацу януару як посланец у Варшави.

Едногo дня достал телеграм, у котрим го волаю гу синови, понеже зламал себе ногу при шклицканю Оцец сам дохтор опатрел ногу, котру други дохтор уж препатрел и до гипсу положел. Видзел, же шицко у шоре. Отамаль пошел до Познаню, да видзи, як му фамилия. Але аж ту обачел вельо векши криж. Не нашол дома своєї жени, ані одиначки милей дзивочки Еленки. 14 рочне дзивче чешко захоровало и мац пошла з нїм до шпиталу.

Др. Д. пошел дораз до шпиталу. Там му прїявел лїкар, же дзивче достало нагле запалене плуцох. Оцец добре препатрел свою одиначку и пренашол другу хороту, а то була по його думоу запалене бланох у мозгу. Вон то спомнул лїкарови, котри допатрел його дзецко и зажадал, же би и други дохторе препатрели хороту його дзецка. — Лїкаре признали, же оцец ма право. —

Проци тей хороти ест серум (лїк), котри ше вироблюв у Варшави. Оцец тот час пошел до Варшави, да принесе тот лїк. Але яка була його жалосц, кед там дознал, же у аптики нет шицкогo, цо треба пре тот лїк. Треба було телеграфовац аж до Парижу пре дзе котри состоїни того лїка.

Розжалосцени оцец врацел ше гу посцелї своєї одиначки, котру барз любел, бо му була барз добра. Цешел свою дзивочку, як знал, же лїк скоро придзе и же вона наисце вїздравес

Але мала Ильча добре знала, же вона умре... Вона так отворено то гуторела своїм зармуценим родителюм. Крашне ше исповедала и замоддела, да ей священїк да и оліво и апостолски благослов на шмерц.

Едногo дня дала поволац гу себе шицких лїкарох, котри ю лічели, да їм подзекує за труд.

Зишли ше лїкаре и шицка родзини. Ильча так почала гуториц: „Апо мой мили, мамо моя люба, я знам наисце, же умрем... Але ви себе ніч з того не берце до шерца... Я знам, же мойа шмерц вас барз зармуци... пре мене вона не страшна. Я видзим, яке небо красне, прекрасне... Я придзем до неба... Там на мене чекаю Ангели.. Я ше там будзем за Вас модліц, за Вас, апо мой, да вше захранїце праву виру у Бога... да и ви там за мну придзеце... Ви апочко мой, и Ви мамочко моя... и ви браца и шестрички мойо... и ви шицки...“

Дохторе, стари людзе, котри кажди дзень видза, як людзе умераю, плакали, плакали и шицки други, котри там стали. Лїк (серум) з Парижа управо теди пришол, кед ше кончел погреб Ильчи, котрей невина душа одлечела до неба.

Пре отца Д. значела шмерц його дзивчеца його обрацене. Вон од того часу постал другим человеком, постал горлівим католикoм, яка була и його жена и други дзеци.

У октобру прешлого року написал проф. Д. свойому прїятельови священїкови писмо, кед му нагло оцец умар:

Верим у вични живот поза гробом. Мнє моїо дзивче приведло до живеї вири.

Кед би зме судзели по озбиљним його ліцу, по триманю цела и по бешеди, як бешедовал зос пастирами, бул то человек озбиљни, розумни, котри добре знал кельо вредзи; цо вецей, кед зме го зблїжей опатрели, збачели зме на йому цошка катонацке.

Овци спали. На шивкастих зарїоу, цо ше почали указавац пред раним ютром, видно було уж дас кельо овци лзе поставали; вони стали и зос спущенима главами цошка думали. Так задумани ані осетели, же цри нїх стари пастир и його немирни пес.

У хладним, раньшим воздуху чуло ше шпиванє препилки и других птицох.

Тот пан стане и замодлі од пастира огня до пипки. Пастир му да. Вон запалї и покури єдну пипку, а вецка ше злокцом опре о шедло и глібоко задума Млади пастир ані не попатрел наньго; лем

Тот священїк написал тоту ствар и другим на поуку и потіху. Цо Бог роби з нами, то шицко на добре видзе. — Бог

предобри наш Оцец. И кед нас каре, и теди нас не меней люби, як кед нам дава то, цо ми сцеме.

## Газдовство

### О уметних гнойоу

Кукурица од культурних растениоу найвецей гною потребує. Но то легко можеме порозумиц, кед попатрїме на ей вельке и грубе стабло, вельки и широки лісца, и плод. Под кукурицу ше обично зос хлївним гною гной, але зробени проби доказую, же и на ей розвиванє вельки влївмаю уметни гной, прето ше препоручує земледилцoм и под кукурицу поруцац уметни гной. По при хлївним гною под кукурицу треба дац од 200 до 250 кгр. суперфосфату по ютру и то тот дзень, кед ше кукурица садзи. Барс хаснує кукурици, кед ше при першей або другей копачки поруца по ней ище 75 до 100 кгр. чилскеї шалїтри на ютро.

Як кукурици, так и другим окоповиноу (цукровей и обичней цвикли и другим) вельо матерїї су потребни зос жеми за их розвиванє. Прето хто розумно сце производзиц цвиклу и други окоповини, нато ані подумац не може без уметного гною. Зос суперфосфату треба поруцац под цвиклу од 150 до 250 кгр., а зос калиovej солї 200 кгр. по ютру. Крем того ище медзи першим и другим копаньом 50 до 75 кгр. чилскеї шалїтри. Кед шицко так поробимє, а и други роботи, котри окоповини захтеваю, теди наисце можеме чекац добри урожай.

Кромпля так исто потребує уметного гною, бо вон не лем квантитет повецша, але и квалитет полєвша. Под кромплї

лєпше уметни гной употребиц як хлївни, бо од хлївного гною — як нам познато — кромплї лєкко погнїю. При садзеню кромплєох поруцаймє по жеми на єдно ютро 200 кгр. суперфосфату и 100 кгр. калиovej солї. Калиова соль под кромплє особено потребна, бо вона повецша и полєвша урожай. При першей копачки добре поруцац ище 75 кгр. чилскеї шалїтри. Уметни гной добре и до браздох поруцац, але найлєпше положиц по єдней гарсци до каждого гнїзда, зос жему го помишац и так посадзиц кромплї. На тот способ кромпля скорей дойдзе гу потребней матерїї, проци хоротох лєпше ше бранї, а гу тому и уметного гною меней треба.

Конодї тиж волїме дац уметного гною як хлївного, бо од хлївного гною конопа не будзе така фила як од уметного. Под конопу треба 200 кгр. суперфосфату розруцац по ютру и то теди кед ше конопа шев.

Доган, да ше му лісца чим баржей розширя, и да ма добри квалитет, потребує вельо гною. За добри урожай не довольни лем сам хлївни гной, але треба дац под доган и на досц уметного гною. На єдно ютро треба розруцац 200 кгр. суперфосфату, 150 кгр. калиovej солї — котра барз поправи квалитет догану — и кед ше посадзи доган ище 75 кгр. чилскеї шалїтри.

Внїци су найвецейраз по брешкох насадзени, прето не згоднo до нїх вожиц хлївного гною, але сам глївни гной аңу

## ФЕЛЬТОН

### ЩЕСЦЕ

(Руска народна приповетка)

Сообщел: М. Няради.

На велькеї пажници нoцовал вельки чупор овцох. Пасли го двома пастире. Єден стари коло 80 рокох, през зубоу, лежал на бруху баш при самей драги подопарти на локци; други млади лєгинь мал чарни оберви а през баюсоу, облечени до платняних шматох, лежал на хрибце, руки положел под главу, и патрел горе на небо, дзе ше баш понад його главу цагала кумова слама и гвиздочки дримали.

Пастире не були сами. Дас на ват од нїх у полуцемноти, видзел ше ошедлани конь, а при йому стал человек у вельких чижмох и кратким капуту. По цалим облечиву видно було же якишик пан.

лежал далєй и патрел на небо. Стари пастир пак длуго патрел на того пана, док на концу ше не и опитал му ше:

„Чи може буц не ти Пантелей зос Макаровского господарства?“

„Добре думаш, я то.“

„Ша видзим.“

„Откац це щесце неше?“

„Зос ковильовского краю.“

„З далєки барз. Предаваце оздалї ваш край?“

„Предаваме. Гоч на поли, гоч подаренду а и гоч як. Баш сом ишол до сувачу.“

Вельки овчарски пес, да ше покаже равнодушним гу людским людзом, обїшол три раз коло коня, але нараз лем нагнївано скочи зос задку на коняника; други пси кед то збачели, поскакали шицки нараз.

Хе, прокляти. Поздихали бисце! скричал стари.

Кед ше пси умїрели, стари ше заш намесцел, як цо

и скорей бул и прегварел мирним гласом.

„У Ковилю, баш на Вознесенїє, умар Єфим Жменя. Най не будзе у зле време поведзено, грих и споминац таких людзох, поган бул стари. Не чул ши?“

— Да, да, — не чул сом.

— Єфим Жменя, бачи коваля Штефана. Шицки го людзе посали, Уф, прокляти дїдо. Знам го шейдзешат роки, од токо часу ище, кед цара Александра, цо гонел Француза, на рукох ношели до Москви. Ведно зме ишли да дочекаме покойного цара И при Ковилю сом збачел, же Жменя упрєпасцел свою душу и предал ю дяблoви и же у нїм нечисти пребива. Я так почал думац: Кед єден человек земледїлец цїхо, ніч не гутори, занїма ше зос бабску роботу, сам за себе живє, ту барз мало доброго ест; а Єфимка од младосци вше лем цїхо ходзи а глава вше долу. До церкви або гу дзєном ше

не дожене урожай на тельо, кельо би жем могла видац. По при хлівним гною треба дац виніци ище и уметного гною. Од суперфосфату нарощню здрави младніки, добри и красни гиризди, а гу тому ище и грозно скорей дозрев. Од калиовой солі младніки баржей замоцнєю и вецей цукру добє грозно. А од чилскей шалітри скорей и буйнейше ше розвива лоза. На едно ютро треба дац од 200 до кгр. суперфосфату, 150 кгр. калиовой солі и 150 кгр. чилскей шалітри.

Гноєнє лози ше окончує на слідуючи способ: од чокота дас на 30 см. треба викопец еден ширши але плітки ярчок и до того ярку посипеме єдну гарцу суперфосфату и калиовой солі. Суперфосфат и калиову соль мож и помедзи шори розруцац и зос мотику прикопац. Тоту роботу при чешшей жеми вешені, а при псковитей вшас на яр треба окончити. Чилску шалітру на яр треба розруцац коло чокотох и не треба ю прикопац, бо ше лєхко топи и так лєхко войдє до жеми. Кед шицко так поробимє, а и други роботи окончимє точно коло лози (прирезованє, шприцованє и др.), теди мож чекац добри урожай.

Хмель би найлєпше було раз зос хлівним, а раз зос уметнима гноями гноїц. Но понеже не више мамє хлівного гною, прето зме вельораз прициснути на сами уметни гної. Хмелю су потребни шицки три спомнути уметни гної. Зос суперфосфату треба дац на едно ютро од 200 кгр. до 250 кгр.,

калиовой солі 150 кгр., а чилскей шалітри 100 кгр. Суперфосфат и калиову соль треба дораз на яр поруцац, а чилску шалітру кед одкримє хмель.

Бетеліна (требиконіна) и трава так исто вихаснує жем як и други культурни растения да паче ище баржей як на пр. жито, прето и им треба додавац за их розвиванє потребни матерії. Понеже за нїх малораз ше зуйдє хлівного гною, их гноєнє треба вершиц зос уметнима гноями, цо зошицким одвитує цілю. На едно ютро — гоч вешені, гоч на яр — треба розруцац 200 кгр. суперфосфату, 100 кгр. калиовой солі и 75 кгр. чилскей шалітри, але то лєм на яр. После тей роботи треба бетеліну або луки подерляц.

Же би ше земледілци знали чого тримац, потребно ми ище спомнуц, же сом количину суперфосфата у 16%-овим раховал, калиову соль 40%. Место тих уметних гноїох мож употребиц так названи „Кас“. У тим уметним гною вецей матерії су помишани и прето вон особено за носни жеми добри, але мож го употребиц на каждей жеми. У нас (у Керестуре) го еден млади газда под конопи поруцац, без хлівного гною, и додал ище чилскей шалітри, та мал барз красни конопи. На едно ютро треба зос нього 300 до 400 кгр.

Напредок земледілци! Не сапуїце тот видаток, котри уложїце до уметних гноїох, бо ше Вам враци зос вельким каматами.

Я. Ш.

## ШИРОМ ШВЕТА

### Еден „краль“ у Польскей

У валале Кошелни появел ше пред тижньом еден легиї, котри гуторел, же вон краль польски. Дал себе роскошно уредзиц єдну палату, котру чували 30 воякох. Кед ше полициї презнала о тим, указало ше, же тот „краль“ еден работник без роботи, та го заварла. Земледілци ше спротивели и вони и нешка веря, же републиканска влада лєм привременна и же придзе назад их „краль“.

### Рим за соединєнє церквох

Новини являю, же св. Оцєц Папа тих дньох вида папску буллу (посланіє), у котрей повола шицких єпископox восточней и западней Церкви на соединєнє, же би раздор мєдзи христїянами на вше престал. Тото посланіє Глави Церкви обчекує ше зос вельким интересованєм.

### Борба зос Жидами

Найбогатши чловек на швецє фабрикант автомобилoх Форд, котрого ше добро ценї на 10 милїярди долари, уж длуґши час ведзе борбу против Жидох. Вон основал єдну новину, котра лєм о тим пише. Еден Жид Натан Штраус

сцел го одвратиц од того и виявел, же то шицко клевета, цо вон пише о жидох. Але му Форд на то таки дал отвит: Чи то клевета, кед я тото исто повторюєм о чим ви сами писали? Ви сами гуторице, же тримацє пенєж и паньство тєразнїного швета у своїх рукох, же водзице и надпатрацє революционерох, же сцє перши у комунистичкей Русиї як и у капиталистичкей Англиї, же управляє зос моду, же у ваших рукох война и мир та же ви зос шицкого вицагуєцє хасєн. Чи то клевети, и чи то уж кажде не зна.

### Щєшлїва фамилїя

У Канади недавно поховани еден земледїлец. При хованю присутни були його 5 синове священници, єдна дзївка монахиня. У доме ище остали 2 синове економи и дзївка-газдїня. Ето так виховою своєю дзєци богобойни родителє. Кед оцєц трежбни, фамилїя напредує па и пєцєро и шєсцєро дзєци лєпше пристановєно як двоїо при оцови пїянїци и нещєснїх родичох.

### Революційна побида у Китаю

Революційнє т. й. Кантоналнє войске завжало

## Читайцє „Руски Новини“

бавиц, або до карчми того у нього не було, лєм вше сам або зос бабами шєдзел. Бул ище млади, але ше уж теди занїмал зос пчолами и заградарством. Приходзєли добри людзє гу ньому до загради, а його гєреги и динї пискаю. Раз вон пред людзми вшал до рук чуку, а вона: го го го, почала ше шмєяц.

То ше може случити гварел Пантелей.

Млади ше пастир обраци на бок, подзвигнє своєю чарни оберви и лєм попатрел на старого.

— А ти чул уж, же гєреги гвиздаю? запита ше вон нараз.

Чул и не чул, Боже прости, здихнул стари, так людзє приповєдаю.

Лєхко то може буц.... Кед нечисти сцє и камень будзє гвиздац. У нас пред ошлєбодзєньом за три ноци (камень) гора грала. Сам сом чул. А чука ше шмєяла, бо Жмєня место чуки влапел нечистого.

Старому нараз цошка лєм пришло на розум. Фришко ше дзвигнє на колєна почнє ше трєсц як да го жима бїє, прєгвари презнос:

— „Ошлєбоди нас и помилуй, Боже! Идзєм я раз до Новополовску. Дзвигла ше буря и така була, да цє Мати божа зачува...“

Спонаглїм я цо лєм баржей можєм; патрим, а на драшки по мєдзи цєрню, котрє баш теди квитло, видзим стої били вол. Думама я себе, чи то вол? Чом го дябол ту принес? Идзє вон, маха з хвостом и мурчи му-у-у. Досцигнєм цє чекай и спонаглїм. Но, цо думацє, кед я гу ньому, а то не вол але Жмєня. Во имя Оца и Сина и Святаго Духа! Прєжегнама и його, а вон лєм патри на нє. Прєстрашел сом ше аж ше подомну ноги трєсли. Идзєм єден по при другим и не шмєм ше гу ньому озвєц. Гирми, трєска блїска, верби ше схинали

аж по над воду. Кед нараз браца, Бог най мє покаре, кед не правда, бежи през драгу заяц... Бежи, лєм раз станє и прєгвари чловєчским гласом: „Дай Боже людзє!“ До дябла, прокляти ише, котри ше заш почал круциц коло коня, здохнул би ши!

То ше случи, гвари коняник ище подупєраюци ше на шєдло своєго коня.

Ох, вельки гад бул тот покойни, прєгвари стари, но уж не так барз нагнївано. После пєйц роки набили го у валалскей хижи а вон, да укажє своєю злосц наженє на шицких Ковильцох хороту, да их болї глава. Помарло теди барз вельо народа ягод у колєри...

— А ягжє вон то на вас нагнал хороту, запита ше млади пастир?

— То ше зна, як. Ту не треба вельо розума. Жмєня забивал людзєох зос гадову масцу.

То правда, потвєрдзел и

Пантелей. Сцєли го дзєци теди забиц, но стари не дали. Нєшлєбодно го було забиц, бо вон знал, дзє єст закопано пенєжи. Окрєм нього не знала о тим анї єдна жива душа. Пенєжи були заврацани, па гоч биш и нашол, не моґол биш их вжац. Було то, же вон ишол по лєше, а спод цєрнїох ше швици огонь... Таки огонь, як да сумпор гори. Сам сом видзел. Шицки длуґо чєкали, же им Жмєня укажє место, дзє пенєжи закопани, або их вон сам викопє, а вон — ша знаш тоту: сам пєс не є па и другим не да єсц. Так и умар; анї сам не викопал, другому не указал.

— Коняник запалї знова пипку и прєгвари:

У тих крайох єст барз вельо блага. Муши буц барз вельо блага (пенєжи):

(Далєй будзє).

вельку варош Шангай, котра числи 1 и пол милиона жителюх. Треба припомнуц, же министер заграничних ділох Евген Чен католик а його 4 дзеци виховую ше у катол. заведенийох. — Вон дал Англезом на знане, же до спорозуму може приїц лем теди, кед Англія призна у шицким самостойноц Китаю.

## Мобилизація у Албаниї

На сиверней страни Албаниї, гу нашей граніци находза ше албански трупи, котрих водза качаца, цо сцекли з нашей території. Вони шицки маю таліянску муніцію. Крем того при нїх су и таліянски

офисире преоблечени до цивилу або у катонацких шматох.

## Француска на нашої страни

Од вельких силох, Француска перша видзела, цо сце Італія и ясно виявела, же кед би Італія нападла Югославію, теди вона нападне Італію, бо Югославія союзник Францускей.

## Крест на мешацу

Жителє Варшави недавно видзели рідке явленіє на мешацу зявел ше вельки крест. Неуки людзе гуторя, же то значи нови войни, а стари гваря, же так ше зявел знак креста и року 1862.

трочате, со слезами глаголаше: вѣрую Господи, помози моему невѣрїю. Видѣвъ же Іисусъ, яко срищется народъ запрети духу нечистому глаголя ему: душе нѣмый и глухий, азъ ти повелѣваю, изыди изъ него и ктому не вниди въ него. И возопивъ и много пружався изыде и бистъ яко мертвъ, якоже мнозѣмъ глаголати, яко умре. Іисусъ же емь его за руку, воздвиже его и воста. И вшедшу ему въ домъ, ученицы его вопрошаху его единого яко мы не возмогохомъ изгнати его. И рече имъ: сей родъ ничим же можетъ изыти, токмо молитвою и постомъ. И оттуду изшедше, идяху сквозѣ Галілею: и не хотяше, да кто увѣсть. Учаше бо ученики своя, и глаголаше имъ: яко Сынъ челоуѣческой преданъ будетъ въ руцѣ челоуѣчествъ, и убїють его и убїенъ бывъ, въ третій день воскреснетъ.

нам треба — а то значи молицше Богу.

Господ, ето, зишол гу нам, бо ми не могли висц гу ньому. Його воля була и у старим вавиту и у новим, да му ше будуо церкви. И Христос ходзел до церкви. И кед умар вон я його апостоли, такой им християне на чещ будовали церкви. Правда же спочатку будовали християне церкви Богу под жему — у катакомбах, — бо не шмели явно на верх жеми, але кед пришол час шлѣбоди, теди будовали вельки церкви Богу и у Брусалиму и у Риме: Христу, Петру и другим святим.

Нашо Християнски церкви су даклем прави доми божи, у котрима придаваме Богу дари наши, молитви наши. Знайме добре, же кед ступиме до церкви же ше находзиме на месту святим: „Место сие дом божи и врата небесна“. (І. М. 28. 17.) И молиме ше смирено, (С. III. 9.) як митар, та будземе сигурни, же нас вислуха, бо „будут очи мои и сердце мое ту во свя дни.“ Так обецал Бог Соломону у св. писму.

Мих. Мудри.

## Зос наших валалох

### Р. Керестур

Дня 22. марта т. р. умарла млада супруга Макаї Дюри, Мелана Шовш, у 27. року жития. Пред 5 тижнями поховала ище здрава и моцна, свойого оца, хто-

ри ше на грипи похорел, а не одлуга ше сама од тея хороти похорела — и ето, зохабела тот швет и свойо дзеци и свойого мужа — у найкрашим вику живота.

Вичная ей память!

## Нова Книшка

О. Др. Д. Няради: Житіє св. Кирила и Меѳодія.

Нови Сад 1927.

З нагоди 1100 рочниці народзєня св. Кирила видал наш Преосв. Владика красни животопис св. братох зос веліма краснима образками. По тея книжки упознаме св. наших апостолох не лем як перших наших учительох и утємелительох

славянскей култури и просвити, але ище баржей як свитли приклад християнскей совершеносци и любви гу Христу и його св. церкви. У книжки описани и способ, на яки найлєпше можеме почитовац святых наших угодникох а то ест Апостолат св. Кирила и Меѳодія. Мали и вельки, стари и млади зос тея книжки превельо можу научиц. Зато кажди най ю набави у свойого паноца.

„Сей род ничимже может изити“ токмо молитвою и постом.

Нечистого духа одогнац од себе не мож лем з молитву и постом т. е. воздержанієм — гутори Іисус у нешней евангелиї.

Молитва в перше, нужне сретствие да очуваме душу од злого.

А дзе ше молитва кончи; дзе ше людзе сходза на молитву; дзе в на тим швецѣ наймилше место за молитву?

То су наша церкви.

У старим закону заповедал Бог Мойсейови: „Да му направи дом, дзе будзе кивот завито. Гварел му. Да сотвориши ми освящение и явлюся во вас (м. II. 25. 8.) Видзиме, ето, же Господ сцел мац сятилище, дзе ше будзе являц людзом своім.

Ми знаме, же небо и земля повидают славу божу, же цали швет еден храм божи; знаме, же Богу не нужна церква з мурах збудована, бо вон повсудни, па ипак сце, да ма свойо месточко на тея жеми, дзе му ше людзе буду кланяц и молиц. Прето и будовал Мойсей Кивот Ст. Завита, а Соломон Вельки Храм божи у Брусалиму, дзе Христос виявел Мариї и Осифу:

„Не висте ли яко во дому оца моего подобавт мибити“?

О чудеса доброты божей! Мало месточко вибера себе Бог за дом свой на тея жеми! Шицко то роби наш Отец небесни пре едну причину, пре еден циль, хтори сам вирек у св писму: „О, як ми мило здецими того швета пребивац!“ Пре нас, пре людзох сцел мац свойо место, да му ше можеме кажди час шлѣбодно, шмело приятельски прилѣжиц; з нїм ше зисц и од нього питац, цо

## БЕРЗА

Берлин 1 злата марка	13.46 д.
Будим. 1 пенги (pengb)	9.95 „
Италія 100 лира	260.— „
Букарест 100 лей	35.— „
Лондон 1 фунд. штер.	276.99 „
Нью-Йорк 1 долар	56.58 „
Париж 100 франки	224.70 „
Праг 100 Чес. кр.	269.— „
Акциї З. К. Б. Д. Д.	325 „
Швайцарска 1 франк	10.97 „
Виден 1 шилинг	8.— „
Наполендор 1 ком.	190.— „
20 златних корун	190.— „
10 „ „	95.— „
Сеферин	400.— „
Дукат	100.— „
1 круна у сребру	3.— „
5 „ „	15.— „
1 форинт „	6.— „

7% держав. пожичка за 100 динара ном. 86.— дин. 2½% ратна штета за 1000. дин. ном 342.— дин.

За злато и за вредносни папери плацаю банки потполни курс, а за валути о даскельо повна меней.

## Тарговина

Жито	312.— д
Кукурица	170.— „
Хмель	10—11.000 „
Мука нулерова	426.— „
„ хлѣбова	420.— „
Млѣко литра	3—4.— „
Качки	35—60.— „
Гуски клюкани кг.	65—90.— „
Говедзина	16—20.— „
Швиньске месо	20—22.— „
Целѣчина	28—30.— „
Сланїна сушена	22—25.— „

## Цветочни отпочивок

Недз. 3 пост.

ЕВАНГ. МАРК. ГЛ. 9. ЗАЧ. 40.

Во время оно, челоуѣкъ нѣкій приїде къ Іисусови, кланяяся ему и глаголя: учителю, приведохъ сына моего коъ тебѣ, имуща духа нѣма и идѣже колиждо иметъ его, разбиваетъ и пѣны тещитъ, и рѣхъ ученикомъ твоимъ, да изженутъ его, и не возмогоша. Онъ же отвѣщавъ ему глагола: о роде невѣренъ доколѣ въ вас буду, доколѣ терплю вы при-

ведите его ко мнѣ. И приведоша его къ нему и видѣвъ его, абіе духъ стрясе его, и падъ на земли валяшєся, пены теща. И вопросы отца его колико лѣтъ, отнелѣже сие бысть ему. Онъ же рече: издѣтсва. И многажди въ огнь вверже его и въ воды, да погубитъ его но аще что можеши, помози намъ, милосердовавъ онасъ. Іисусъ же рече ему: еже аще что можеши вѣровати, вся возможна вѣрующему. И абіе возопивъ отецъ о-